



Inatsisartunut ilaasortaq Karl Tobiassen, Siumut

26-10-2023
Suliap normua 2023 - 23686
Allakap ilisarnaataa 23438211

Postboks 260
3900 Nuuk
Oqarasuaat (+299) 34 50 00
Fax (+299) 34 66 66
E-mail: iian@nanoq.gl
www.naalakkersuisut.gl

§ 37 aallaavigalugu apeqquteqaammut nr. 137-2023-mut akissut

Apeqqummut qujanaq.

1. Danskit nalunaarutaanni nr. 471, 8. Maj 2023-imeersup imarisai pillugit kalaallinut ilaqtariinnut atuutsinneqalersinnaaneranut Naalakkersuisut qanoq ilungersuutigalugu iliuseqarsimappat?

Akissut:

Ilaqtariit kalaallit Danmarkimi najugallit meeraat inissineqartussanngorlugu danskit kommuniat aalajangeraangat, taakku ilaqtariit kalaallit inissiinerup Kalaallit Nunaanniinnissaa kissaatigalugu kiisalu angalaqatigiinnissamik kissaateqarnertik pillugu danskit kommunianut saaffiginnittassaput.

Danskit inatsisiliornerat malillugu danskit kommuniat aalajangissaaq. Kalaallit Nunaanni ulloq unnuarlu najugaqartoqassatillugu danskit kommuniat aalajangeraangat tamanna atorpeqarsinnaasoq nalunaarummi nr. 471, 8. maj 2023-meersumi takuneqarsinnaavoq.

2. Naalakkersuisut imaluunniit nunatsinni kommunit, danskit kommunerisaannit angalaqatigiissinnaanissamut imaluunniit meeqqap kalaallinit kingoqqisuusup nunatsinni angerlarsimaffiup avataani inissisimanissaannut apeqquteqaatinik qassinik tigusaqarsimappat?

Akissut:

Danskit kommunianiit apeqquteqaatinik Naalakkersuisut tigusaqarnikuunngillat.

Danskit kommuniit nunatta kommunianut saaffiginnissutaaratarsinnaasunik Naalakkersuisut nunatta kommuniit paasisutissanik tigusaqarnikuunngillat.

3. Nalunaarusiamit tunngaveqartumik; akigititaasussanik takussutissaasunillu Naalakkersuisut suliaqarsimanerlutik/-aaliangersagaqarsimanerlutik?

Akissut:

Nalunaarummi akigititat pillugit aalajangersakkanik aalajangersaasoqarsimanngilaq.



4. Namminersorlutik Oqartussaniit nunatsinnilu kommuniniit suleqatigiissitamik; apeqquteqaatit angalaqatigiinnissamut imaluunniit meeqqap nunatsinnit kingoqqisup angerlarsimaffiup avataani inissisimaannaarnissaanik (nunatsinnut nuullugu) apeqquteqaataasunik ukkataqartussanik, pilersitsisoqarsimanerluni?

Akissut:

Naagga. Kalaallit Nunaata Danmarkillu akornanni angalanerit pillugit, matumani angalaqatigiinnissat innuttaasullu angalaneranut aningaasartuutit pillugit kommune aalajangiisartuq aalajangiisassasoq nalunaarummi § 19-imi malittarisassiunneqareerpoq. Kommune aalajangiisartuq tassaavoq kommune innuttaasumut Danmarkimi Kalaallit Nunaanniluunniit neqeroorummi najugaqarnissaq pillugu neqeroornissaminut aalajangiisimasoq imaluunniit meeqqap 18-it ataallugit ukiullip Danmarkimi Kalaallit Nunaanniluunniit neqeroorummut inissineqarnissaa pillugu aalajangiisimasoq. Nunami kommunip aalajangiisup inissisimaffigisaani inatsisiliorneq malillugu aalajangiineq pissaaq.

5. Ilaqtariit kalaaliusut, Nalunaarut Kalaallit Nunaannut tungassutilik atorummallugu sumut saaffiginnissinnaatappat?

Akissut:

Ilaqtariit kalaallit kalaallit illuinut saaffiginnissinnaapput, kalaallit illui siunnersuinissamik neqerooruteqarput imaluunniit isumaginninnermut suliassaqarfimmi eqqartuussisutigoortitsinermi ikiuinermik neqerooruteqarput.

Naggasiut:

Naalagaaffiit Peqatigiit Meeqqat Pisinnaatitaaffii pillugit Isumaqaatigiissutaanni artikeli 8-mi takuneqarsinnaasoq "*meeqqap kiussutsiminik, ilanngullugit naalagaaffimmi innuttaassuseqarneq, aqqit aammalu ilaqtarisanut attuumassuteqarneq, piginnarnissaanut pisinnaatitaanera inatsimmit akuerisatut ataqqissallugu aammalu pissutissaqanngitsumik akuliuffigisassarinagu.*" ataqqineqassaaq.

Aammattaq isumaqaatigiissummi artikeli 20-mi "*allatut isumassorneqarnissaq*"-mi (ilaatigut angerlarsimaffiup avataani inissiinermi) takuneqarsinnaavoq "*meeqqap peroriartornerata aammalu meeqqap inuiaassutsikkut, upperisakkut, kultureqarnikkut oqaatsitigullu tunuliaqutarisaasa ajornanngippat imminnut ataqaatigiissinniarneqassasut.*"

Siusinnerusukkut tamanna pillugu isumaginninnermut suliassaqarfimmi danskit ministeriannut erseqqissaassutigineqarnikuuvoq.

Inussiarnersumik inuulluaqqusillunga

Aqqaaluaq B. Egede